

Daim Npav Txhaj Tshuaj Tiv Thaiv Kab Mob COVID-19 / MyIR Mobile Cov Lus Nug Uas Nquag Nug

Daim Npav Txhaj Tshuaj Tiv Thaiv Kab Mob Yog Dab Tsi?

Daim Vax Card (Npav Txhaj Tshuav Tiv Thaiv Kab Mob) yog daim npav kaw tseg koj li kev txhaj tshuaj tiv thaiv kab mob COVID-19 uas raug raws cai. Nyob rau lub sij hawm txhaj tshuaj tiv thaiv kab mob, koj tsim nyog yuav tsum tau txais ib daim npav los ntawm Centers for Disease Control and Prevention (CDC, Cov Chaw Tswj thiab Pov Thaiv Kab Mob) uas muaj hnuv tim koj txhaj tshuaj tiv thaiv kab mob thiab hom tshuaj tiv thaiv kab mob COVID-19. Yog tias koj tsis tau txais ib daim npav los sis nws tau poob lawm, muaj lwm cov hauv kev los ua pov thawj rau koj tias koj tau txhaj tshuaj tiv thaiv kab mob lawm (saib cov lus nug thiab cov lus teb hauv qab).

Dab tsi yog cov suav ua ntaub ntawv kaw tseg raug raws cai ntawm kev txhaj tshuaj tiv thaiv kab mob?

Cov raws li hauv qab no yog cov piv txwv ntawm cov ntaub ntawv kaw tseg raug raws cai txog kev txhaj tshuaj tiv thaiv kab mob:

- Ntaub ntawv kaw tseg txog kev txhaj tshuaj tiv thaiv kab mob thooob plaws ib sim neej/CDC Daim Npav Txhaj Tshuaj Tiv Thaiv Kab Mob COVID-19
- Xeev Washington Immunization Information System (Qhov Kev Ua Hauj Lwm Txog Ntaub Ntawv Txhaj Tshuaj Tiv Thaiv Kab Mob) daim ntawv luam tawm los
- [MyIR](#) (tsuas yog lus Askiv xwb) daim ntawv luam tawm los (tsis hais daim duab thaj ntawm lub tis viv los sis Daim Ntawv Pov Thawj Kev Txhaj Tshuaj Tiv Thaiv Kab Mob)
- [My IR Mobile](#) (tsuas yog lus Askiv xwb) Daim Ntawv Pov Thawj Txhaj Tshuaj Tiv Thaiv Kab Mob COVID-19
- Ntaub ntawv kaw tseg fab kev kho mob hauv es lev taus niv luam tawm los uas tau txheeb xyuas los ntawm koj tus kws muab kev pab cuam fab kev kho mob

Koj yuav tsim tsis tau koj Daim Npav Txhaj Tshuaj Tiv Thaiv Kab Mob, vim nws yuav tsis tau txais kev lees txais ua ntaub ntawv kaw tseg raug raws cai. Cov ntaub ntawv kaw tseg raug raws cai yog cov ntaub ntawv fab kev kho mob uas tau txheeb xyuas lawm uas tau txais thaum txhaj tshuaj tiv thaiv kab mob, los ntawm koj tus kws muab kev pab cuam fab kev kho mob, los sis los ntawm lub MyIR cov vev xaib muab kev nkag mus rau kev pab cuam uas tau teev npe tseg saum toj.

Kuv tsim nyog yuav khaws kuv Daim Npav Txhaj Tshuaj Tiv Thaiv Kab Mob cia li cas?

Koj tsim nyog khaws koj Daim Npav Txhaj Tshuaj Tiv Thaiv Kab Mob cia rau qhov chaw kom muaj kev nyab xeeb! Xav tias daim npav no zoo tam li koj daim ntawv pov thawj yug los sis phau phav xab poj. Koj tuaj yeem muab nws thaj tau duab cia, muab theej tawm, muab daim theej tawm coj mus luam roj hmab tshooj (tab sis tsis yog daim thaum xub thawj), los sis siv lwm kauj ruam los ua kom ntseeg siab tias koj muaj cov theej tawm ntawm nws.

Rau lus qhia ntxiv txog kev khaws koj Daim Npav Txhaj Tshuaj Tiv Thaiv Kab Mob kom phim, koj tuaj yeem faib tawm tau qhov no rau tsev neeg los sis cov phooj ywg. Nyem ntawm no txhawm rau kom daim ntawv tseb ua koj hom lus: (tam sim no muaj ua [Lus Askiv](#) thiab [Lus Xab Pes Niv](#)).

Vim li cas kuv thiaj yuav tau kaws kuv Daim Npav Txhaj Tshuaj Tiv Thaiv Kab Mob cia?

Koj Daim Npav Txhaj Tshuaj Tiv Thaiv Kab Mob yog txoj hauv kev yooj yim rau koj los nthuav qhia pov thawj tias koj tau txhaj tshuaj tiv thaiv kab mob COVID-19 lawm. Tej zaum koj yuav tau los nthuav qhia

pov thawj ntawm kev txhaj tshuaj tiv thaiv kab mob txhawm rau kom tuaj yeem mus tau kev deb, koom nrog qee cov koom txoos, thiab tej zaum yuav muaj ntaub ntawv kev paub ntxiv txog koob tshuaj txhaj nyob tau tom ntej.

Ntau txoj lag luam hauv Washington tam sim no kuj muab kev txhawb zog rau cov uas muaj pov thawj txhaj tshuaj tiv thaiv kab mob txhij lawm. Qhov no tej zaum yuav suav nrog kev txo nqi, kev pub dawb los sis kev mus zaum rau cov koom txoos raws li nyiam.

Kuv yuav ua li cas yog tias kuv tsis tau txais Daim Npav Txhaj Tshuaj Tiv Thaiv Kab Mob thaum kuv txhaj tshuaj tiv thaiv kab mob?

Yog tias koj tsis tau txais koj Daim Npav Txhaj Tshuaj Tiv Thaiv Kab Mob thaum koj tau txais koj qhov tshuaj tiv thaiv kab mob COVID-19, koj tuaj yeem txuas lus tau rau koj tus kws muab tshuaj tiv thaiv kab mob. Koj los kuj tuaj yeem nkag mus siv tau koj cov ntaub ntawv kaw tseg txog tshuaj tiv thaiv kab mob COVID-19 hauv oos lais ntawm www.MyIRMobile.com (tsuas yog lus Askiv xwb) thiab teeb ib tus as khauj yam tsis sau nqi.

Kuv yuav ua li cas yog tias kuv muab kuv Daim Npav Txhaj Tshuaj Tiv Thaiv Kab Mob ua poob lawm?

Yog tias koj muab koj Daim Npav Txhaj Tshuaj Tiv Thaiv Kab Mob ua poob lawm, koj yuav tau txais ib qhov pov thawj ntawm kev txhaj tshuaj tiv thaiv kab mob COVID-19 uas raug raws cai los ntawm koj tus kws pab saib xyuas kev noj qab haus huv los sis los ntawm kev teeb tus as khauj ntawm www.MyIRMobile.com (tsuas yog lus Askiv xwb).

MyIR Mobile yog dab tsi?

MyIR Mobile yog lub vev xaib hauv is taws nev uas muab hauv kev rau tib neeg nkag mus siv lawv cov ntaub ntawv kaw tseg txog kev txhaj tshuaj tiv thaiv kab mob uas raug raws cai ntawm lub xeev. Koj tuaj yeem teeb tau tus as khauj ntawm www.MyIRMobile.com (tsuas yog lus Askiv xwb).

Thov cim tseg rau hauv siab tias MyIR Mobile tam sim no tsuas yog muaj lus Askiv nkaus xwb. Rau kev pab cuam txhais lus, los sis kev pab ntxiv kom tau txais koj cov ntaub ntawv kaw tseg, tej zaum koj yuav tuaj yeem hu tau rau Xeev Washington Office of Immunization and Child Profile (Lub Chaw Ua Hauj Lwm txog Kev Txhaj Tshuaj Tiv Thaiv Kab Mob thiab Ntaub Ntawv Txog Me Nyuam Yaus) ncuva cov xuab moos ua hauj lwm raws li ib txwm ntawm tus xov tooj (360) 236-3595 los sis txuas lus los ntawm email ntawm waiisrecords@doh.wa.gov.

Kuv yuav tau txais kuv tus me nyuam li ntaub ntawv kaw tseg txog kev txhaj tshuaj tiv thaiv kab mob COVID-19 li cas?

Koj tus me nyuam tsim nyog yuav tsum tau txais lawv tus kheej Daim Npav Txhaj Tshuaj Tiv Thaiv Kab Mob ntawm CDC thaum uas txhaj tshuaj tiv thaiv kab mob. Nws yog ib lub tswv yim zoo uas koj khaws daim npav no cia yam uas muaj kev nyab xeeb rau lawv ib yam nkaus li koj khaws koj tus kheej li. Saib daim npe cov hauv kev xaiv txog kev khaws tseg saum toj.

Yog tias koj tus me nyuam tsis muaj Daim Npav Txhaj Tshuaj Tiv Thaiv Kab Mob ntawm CDC, koj tuaj yeem tau txais ib daim theej tawm uas raug raws cai los ntawm lawv tus kws kho mob los sis tus kws muab tshuaj tiv thaiv kab mob. Koj los kuj tuaj yeem teeb tau tsev neeg tus as khauj nyob rau www.MyIRMobile.com (tsuas yog lus Askiv xwb) thiab txhab ntxiv koj tus me nyuam li ntaub ntawv rau koj tus kheej tus as khauj.

Yuav ua li cas yog tias kuv tau txhaj tshuaj tiv thaiv kab mob nyob rau sab nrauv ntawm xeev Washington?

Yog tias koj tsis tau txhaj tshuaj tiv thaiv kab mob nyob rau hauv xeev Washington, tej zaum koj cov ntaub ntawv kaw tseg txog kev txhaj tshuaj tiv thaiv kab mob yuav tsis pom tshwm nyob rau hauv MyIR Mobile. Thov ua kom ntseeg siab tias koj muaj lwm yam pov thawj ntawm kev txhaj tshuaj tiv thaiv kab mob COVID-19, xws li koj Daim Npav Txhaj Tshuaj Tiv Thaiv Kab Mob ntawm CDC los sis lwm yam ntaub ntawv kaw tseg uas tau txheeb xyuas los ntawm koj tus kws pab saib xyuas kev noj qab haus huv.

Yog tias koj tsis tau txhaj tshuaj tiv thaiv kab mob nyob rau Teb Chaws Mes Kas, thov nqa daim ntawv pov thawj raug raws cai ntawm kev txhaj tshuaj tiv thaiv kab mob los ntawm lub teb chaws uas koj tau txhaj tshuaj tiv thaiv kab mob.

Kuv yuav tau txais kuv txhua cov ntaub ntawv kaw tseg txog kev txhaj tshuaj tiv thaiv kab mob rau kuv tus kheej los sis tsev neeg li cas (tsis yog kev txhaj tshuaj tiv thaiv kab mob COVID-19 nkaus xwb)?

Rau koj daim npe cov ntaub ntawv kaw tseg txog tshuaj tiv thaiv kab mob txhij txhua rau koj los sis koj cov neeg hauv tsev neeg, koj tuaj yeem txuas lus tau rau koj tus kws pab saib xyuas kev noj qab haus huv xub thawj los sis teeb ib tus as khauj ntawm wa.MyIR.net (tsuas yog lus Askiv xwb).

Rau kev pab cuam txhais lus, los sis kev pab ntxiv kom tau txais koj cov ntaub ntawv kaw tseg, tej zaum koj yuav tuaj yeem hu tau rau Xeev Washington Office of Immunization and Child Profile (Lub Chaw Ua Hauj Lwm txog Kev Txhaj Tshuaj Tiv Thaiv Kab Mob thiab Ntaub Ntawv Txog Me Nyuam Yaus) ncuva cov xuab moos ua hauj lwm raws li ib txwm ntawm tus xov tooj 360-236-3595 los sis txuas lus los ntawm email ntawm waisrecords@doh.wa.gov.



DOH 348-819 June 2021

Xav thov cov ntaub ntawv no sau ua lwm tus qauv ntawv, hu rau 1-800-525-0127. Cov tub lag luam uas tsis hnov lus los sis hnov lus tsis zoo, thov hu rau 711 ([Washington Relay](http://WashingtonRelay.com) (Lus Askiv)) los sis sau email rau civil.rights@doh.wa.gov.